

Primaque Maurorum cuneos ad bella laceffunt.

Hinc Bisectoni Pisana gente creati.

Heroës comitis sectantes signa Lemanni

Hostibus incurrunt mediis, densasque catervas

Sternere non cessant, Libycorum more Leonum;

Dant quibus introitum Baleares protinus alpe,

Et circumfuso velociter agmine claudunt,

Ac retinere putant, quos spes satis improba fallit.

Ipsa pericla parant, animos, viresque ministrant

His quibus internæ torquent præcordia curæ.

Sternunt quique suum perimuntque sagaciter

hostem,

Et quacunque ruunt, campus patet amplior ipsis.

Et veluti Rhodii sternunt perimuntque volucres,

Quando relucenti scindentes aëra penna

Aggrediuntur aves, laniantque patentibus arvis;

Sanguinea pariter miles Pisanus in hasta

Viribus infractis Baleæ terit acriter agmen,

Et redit illæsus cunctis mirantibus actum.

Post hæc in geminas Baleæ milesque pedesque

Dividitur partes: campos alii tenuere:

At juxta fluctus quidam venere marinos,

Oppositumque petunt Pisanum durius agmen,

Erectisque premunt rarissima cornua signis.

Alphææ cedunt sed lentis passibus alpe,

Et contra posito nunquam flectuntur ab hoste.

Ex Arelateni numero Guilielmus ad ista

Prælia Bernardus Mildace Daneta creatum

Sternit, & in strati dimissa cuspide ventre

Aggreditur, Mauri socium de cæde reportant.

Tunc vexilla gerens Pisanæ signifer urbis

Valandus cuneos in campum ducit apertum.

Hinc Ildebrandus Sanctæ vexilla Mariæ

Consul habens dextra sævos incurrat in hostes.

Sedis Apostolicæ vexillum detulit Atho,

Et diras petiit violento milite turmas.

Hos dum Pisani belli fervore sequuntur,

Inter condensos rapiuntur protinus hostes,

Inde Pyrenæ gentis generosa potestas

Clara sequebatur, cujus vexilla cohortis

Pulverulenta petunt galeato milite rura.

Hujus signa Ducis Gerardi cura Lemanni

Gestat, & ad lævam procedunt agmina portam,

Quæ patet ad claram surgentis lampada solis,

Ac falsæ vicina magis cognoscitur undæ.

Hancque senex aciem sequitur comes Ampu-

riensis,

Cui satis extiterat rector Balearis amicus,

Et subiit pugnam vallatus milite forti.

Procedunt acies, & vi certatur utrimque.

Eminus obstantes decertant Ismaëlites.

Hij jaciunt lapides, jaculis pars appetit hostem,

Telorum tegitur tenebrosis nubibus ær.

Hinc diræ veniunt in equos, hominesque sagittæ,

Mars furit, & magnis resonat clamoribus æther.

Tunc Latæ turmæ mortis terrore remoto

Incurrunt Mauris, & pugne cominus instant.

Exeritur gladius, cessatque volatile ferrum,

Terra cruore madens morientū substat acervis,

Toto mixta sonant gemitus certamina campo.

Ugo Parlasii tectis nutritus & ortus

Aurea quæ gessit quatiens venabula dextra

Pugnantis contra per pectora misit Alantis.

Ille cadit properanter equo, fusoque cruore

Tartareas statim citius transmittit ad umbras.

Occurrens Cytharon casu commotus amici

Ugonis penetrat durata cuspide scutum.

Ille quod hasta brevis contingere non valet

hostem,

Ense vicem reddit, pugnoque reliquit adempto.

Hunc & Perciades Dodo, Bernardusque secuti

Ferratas feriunt minitanti cuspide portas;

Utq; redire parant, duo qui redeuntibus obsunt,

A Occumbunt pariter Bachimas Hispanus, & Ander.

Gustur in unius Dodo postquam miserat hastam,

Cæde cruentatum traxit cum cuspide pannum.

Sed quod ferre potest Bernardi dextera telum,

In latus Ander habes: manes ad tartara raptos

Accipiunt, stygiæque patent properantibus aule.

Viderat urbanæ pulsantis limina portæ

Rex Baleæ reditum prohibere nequisse.

Quæ tutabantur Balearica robora turmas

Rebar, & hos homines, ait, jam credo leones.

Dux Catalanensis sævum Moldonea poscens:

Primus, ait, nostris quoniam te viribus offers,

Integer haud poteris nostros evadere visus.

Protinus urget equum, teneras nec flectit ha-

benas,

Thoracem clypeumque viri, lævamq; papillam

Telo transfodiens, per dextrum præterit armum.

Ille supinus equo ruit, hastaque frangitur ictu,

Aurea, sed Comitibus cuspis datur altera dextre,

Quæ vibrata feros prosternebat Ismaëlitas,

Gerardus Porion prostravit cuspide vasta,

Inque viri pectus vexillum misit & hastam.

Davidis Umberti penetravit lancea costas,

Ildebrandini Danius transfoditur hasta,

Rodulpho geniti Garfias sternitur ense,

Rolandi, sævum ruit in Dareta Recuccus,

Et velut hasta fugit de dorso pellit equino;

Gerardusq; comes rector dominusq; Lemanni,

Dum furit in Mauros miles per bella probatus

Fraſinea Lelaphum pugnantem perculit hasta,

Atque viri scapulas ictu penetravit eodem.

Stratus utraque ruit tanto dejectus in ictu,

Cui sonipes violentus erat, violentius actus

Pulveream campum cum corpore pressit herili,

Seque regentis heri fregit labendo lacertum.

Rainerius cum Tegrio Raineria proles

In coacervatos ibat promptissimus hostes.

Sternit & hic Lephaton Tegrius Alancæ

creatum,

Cajetanus ibi Gerardus cuspidis ictu

Cerbereas Rachium transfixum misit ad horas,

Guiscardus Hilion lethali vulnere sternit.

Hinc Albertinus claro Bellonine natus

Per fauces medias ingentem fixit Anetem,

Atroce Laym venientem Guido Butensis

Excipit, & victum Stygiis aggregat umbris.

Saucius ipse tamen graviter certamine cedit.

Ildebrandinus Juliste filius hasta

Fundit Illdensem generosum stirpe Gairum.

Ingentem Gualandus agens Gualandica proles

Hastam, quam validus vibrabat uterq; lacertus,

Immanem Libycum duro resupinat in agro.

Terga Rachis penetrat Gualandi frater in ictu

Cuspidis Albertus, misso per pectora ferro.

Hasta virum fortem stravit Molfena Dodonis

Consulis, hujus equum celeri penetrante sagitta.

Gaufmaro genitus fama decoratus equestri

Ugo Dianensem telo penetravit acuto,

Mortiferum fecit transfixo gutture vulnus.

Sicherius frater Gualandi perculit Idam.

Hinc Micharellus ruit Ildebrandia proles,

Et fudit Gurion, quem Corduba misit ad arma.

Ugonis proles, Albertus impulit Ermon,

Anticum Libycum Lanfredi dextra peremit,

Stravit Illdenem Mathildæ filius Ugo.

Inde Sapibonides campo deiecit Aristen,

Atque Sofredutius transfodit cuspide Maulam.

Popiliensis equum velocem rusticus urgens

Per lumbare Tanes hastam transmittit acerbam:

Misist in hunc jaculū magno conamine Nelops,

Perque viri corpus lethalis lancea transit.

Acrior hic Maurum telo transfigit eodem,

Tres-